



Tillie Martinussen
Suleqatigiissitsisunit Inatsisartunut ilaasortaq

§ 37 naapertorlugu COVID-19 pillugu apeqqummut nr. 058/2020-mut akissut.

Naalakkersuisut COVID-19 pillugu apeqqutitut tullinnguuttumi issuarneqartunut qujap-put akissuteqaatillu ataaniipput.

24-03-2020
Suliap normua 2020 - 5246
All. nr. 13271317

Postboks 1160
Qqarasuaat 34 50 00
Fax 34 55 05
3900 Nuuk

Email: pn@nanog.gl
www.naalakkersuisut.gl

1. Nunatsinni mittarfinni nunanit tamanit tikinneqartartuni Covid-19-virusimik atorlut nuunneqarsinnaasut atorlugit misissuisarnissaq Naalakkersuisut pilersaarutigaat?

Akissut:

COVID-19-ip (Coronavirusip) ilaatigut siaruarnaveersaartinnissaanut upalungaarsim-nermut tunngatillugu Tunillaassortunik nappaalanersuaqarneranut ataatsimiititaliarsuup siunnersuutai Naalakkersuisut malippaat. Nunarsuarmi COVID-19-imut tunngatillugu pi-sut allanngorartuarneri pissutigalugit upalungaarsimaneq ingerlaavartumik allanngortas-saaq.

Peqqinnissaqarfik innuttaasunik COVID-19-imik tunillatsissimasutut pasineqartunik napparsimavimmut unitsitsingikkaluarlutik misissuinissamat periarfissaqareerput, misissuinerit inini misissuisarfissatut toqqarneqareersimasuni pissapput kingornatigullu innuttaasut angerlarsimatitaasussanngortassapput nakkutigineqarlutillu. Assersuutiga-lugu Danmarkimit tikittut ilaannik tunillatsissimasutut pasitsaassaartoqarnera pissutigalugu Kangerlussuarmi COVID-19-imik misissortittoqarnikuuvoq.

Napparsimasut namminneq pisinnaasut namminneq misissuisarfinnukarsinnaapput taakkuali napparsimasut tamanit ilaaffigineqarsinnaasunut ilaannginnissaannik paasitin-neqassapput. Napparsimasunik katsorsarneqarnissamik pisariaqartitsisutut nalilerner-qartunik nakorsiartoqarpat, taakkua peqqinnissaqarfimmi sulisunit toqqaannartumik unit-sinneqartussanngortinneqarsinnaapput.

Tunillatsittoqarsimaneramik pasitsaassisoqartillugu allanut tunillaasinnaaneq pissutigalu-gu innuttaasut napparsimavimmukartinnatik peqqissaavimmukartinnatilluunniit peqqin-nissaqarfimmut sianertarnissaat pingaaruteqarpoq.

Paasissutissat amerlanerusut Nakorsaaneqarfiup nittartagaaniipput; nun.gl.

2. Timmisartut inuttaannik nunanit tamaneersunik mittarfinni Covid-19-virusimik atorlut nuunneqarsinnaasut atorlugit misissuisarnissaq Naalakkersuisut pilersaarutigaat?

Akissut:

Apeqqummut 1-imut akissutigineqartut takukkit.

3. Laboratoriamik nuunneqarsinnaasumik sumiiffiit ilaanni ikkussinissaq Naalackersuisut pilersaarutigaat, taamaalilluni napparsimavinni tunillaattuut-toqarnissaa pinngitsoortinneqassalluni, pissutsillu aqullugit Covid-19-visumik sukkasuumik misissuisoqarsinnaalluni?

Akissut:

Maannakkorpiaq laboratoriami COVID-19-imik suussusersiinissamut pisariaqartinneqartunik atortoqanngilaq taamaaliornissamullu piginnaasalinnik sulisoqarani.

Atortunik pisariaqartinneqartunik pissarsinissamut periarfissat misissorneqarput, taamaattumik piffissap ingerlanerani nunatsinni COVID-19-imik nappaammik laboratoriami suussusersisoqarsinnaalernissaa neriuunnaarpoq.

4. Nunap immikkoortuini napparsimaviit kiisalu nunaqarfiit peqqissaasoqarfiillu Covid-19-virusimik misissuisoqarnissaanik kissaateqartoqartillugu qanoq iliortassappat?

Akissut:

Nakorsaaneqarfiup nittartagaani ilitsersuut *"Landslægens vejledning for håndtering af den nye coronavirus (COVID-19)"* (Nakorsaanerup coronavirusimik nutaamut tunngatillugu iliussissanut ilitsersuuta) pissarsiarineqarsinnaavoq. Ilitsersuut peqqinnissaqarfimmi atorneqartussanngorlugu nassiunneqarnikuuvoq, ilitsersuummi inunnik tunillanneqarsimasunik pasitsaassinermi tunillatsissimasunullu tunngatillugu peqqinnissaqarfiup qanoq iliornissaa nassuarneqarpoq. Taamatuttaaq misiligutinik nassiussinissamut atorto-rissaarutit pisariaqartinneqartut kiisalu illersornissamut atortut pisariaqartinneqartut tamaasa peqqinnissaqarfimmit pigineqarnissaat qulakkeerneqarsimavoq.

5. Nunatsinni laboratoriat inummik tunillatsittoqarsimaneranik qanoq sukkatigisumik paasisaqarsinnaappat?

Akissut:

Apeqqutigineqartumut 4-mut akissutigineqartut takukkit.

6. Nunatta Nakorsaaneqarfia Nappaalanersuarmulluunniit Immikkoortortaqarfik tunuluuttoqarnissaa pinngitsoorniarlugu innuttaasunut immikkut inassuteqaatissaqarpat?

- a. Immaqa TV-kut takukkullu attaveqarnek atorlugu qanoq iliortoqarnissaanik nuna tamakkerlugu ilitsersuinissamik pilersaaruteqartoqarpa?

Akissut:

Nakorsaaneqarfiup nittartagaa – nun.gl – COVID-19 pillugu innuttaasunut paasissutissanik ilisimasanillu nutaanik ingerlaavartumik nutarterneqarpoq.

Tamatuma saniatigut innuttaasunut coronavirusi nutaaq pillugu apeqqutissaqartunut

sianerfigineqarsinnaasumik pilersitsisoqarnikuvoq. Taamatuttaaq mailimut corona@nanoq.gl-imut apeqqutinik nassiussinissaq periarfissaavoq.

Med venlig hilsen
Inussiarnersumik inuulluaqqusillunga


Martha Abelsen